

A E LEGISLADÓ.

- ❖ For di e mata ku tabata kima, Dios a bisa Moisés ku El a mira e aflikshon di Su pueblo i El a tende nan sklamashon (v. 7).
- ❖ Dios a outorisá(enkargá) Moisés pa libra Israel for di Egipto (v. 10). Nan lo no sali for di Egipto man bashí. Egipto lo paga e Israelitanan pa tur e trabou ku nan a hasi komo esklabunan (v. 21).
- ❖ Riba nan kaminda pa Kanaan, Dios a resolvé(determiná) pa traha un nashon for di e pueblo ei di esklabunan anterior. Nan a duna nan leinan hustu ku lo por ta un bendishon pa e mundu kompleto.

B E DIES MANDAMENTUNAN.

- ❖ E Dies Mandamentunan tabata e Konstitushon di e pueblo di Israel. E tabata e lei di mas haltu for di kual tur otro leinan ta derivá(originá) for di nan.
- ❖ Kumpliando ku e Mandamentunan ta un señal di nos amor na Dios (e promé 4; Deut. 6:5; Mat. 22:37-38) i nos próhimo (e último 6; Lev. 19:18; Mat. 22:39).
- ❖ Nos mester kumpli ku e Mandamentunan tantu ku nos aktonan(echonan) i nos intenshonnan (Mateo 5:21-30).

C LEINAN PROTEKTIVO.

- ❖ Tin tres kapítulo (21-23) den Eksodo kual ta inkluí diferente tiponan di leinan:
 - Leinan riba sklabitut (21:2-11)
 - Leinan riba krimen-nan violento (21:12-36)
 - Leinan riba propiedat (22:1-15)
 - Leinan riba bida diario (22:16-31)
 - Kon pa apliká e leinan aki (23:1-9)
- ❖ Kuidando pa esnan vulnerabel (esklabunan, stranherunan, biudanan i wérfanonan) ta klave den e leinan aki.

D E SEGUNDO DIESMO.

- ❖ Deuteronomio 14:22-29 ta splika ku e Israelitanan mester a duna un segundo diesmo, ku un propósito diferente for di esun promé.
- ❖ Pa dos aña, e segundo diesmo aki a wòrdu hibá na Jerusalèm. Nan a kome parti di djé den famia i a kompartié ku esnan den nesesidat. E di tres aña, e diesmo speshal aki tabata wòrdu kompartí ku esnan “lokal” den mester den kada stat.

E E HUBILEO.

- ❖ E Hubileo tabata e aña di liberashon di e tera. Tur hende a haña nan herensia bèk den e Hubileo.
- ❖ Di e manera aki, ningun hende lo por montoná propiedatnan(biennan) grandi. Adishonal, famianan no a pèrdè nan propiedatnan(teranan) — nan supsistensha (alimento) — pa semper.
- ❖ Pa motibu di piká, semper lo tin hendenan pover (Mateo 26:11). E Hubileo tabata e solushon ku Dios a proponé pa reduci desigualdat sosial.